



SA EXAM PAPERS

YOUR LEADING PAST YEAR EXAM PAPER
PORTAL

Visit SA Exam Papers

www.saexampapers.co.za



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

ISINDEBELE ILIMI LOKUTHOMA LOKWENGEZA (FAL)

IPHEPHA LOKUTHOMA (P1)

2017

IMITLOMELo: 80

ISIKHATHI: Ama-iri ama-2

Iphepheli linamakhasi ali-12.

YELELA

1. Iphepheli LINEENGABA EZINTATHU: ISIGABA A, B kanye NESIGABA C.
ISIGABA A: Ukufunda nokuzwisisa (30)
ISIGABA B: Ukurhunyeza (10)
ISIGABA C: Izakhi nemithetjhwana yokusetjenziswa kwelimi. (40)
2. Phendula YOKE imibuzo.
3. Funda YOKE imiyalo onikelwe yona ngokuyelela okukhulu.
4. Thoma ISIGABA ESINYE NESINYE ekhasini ELITJHA.
5. Thalela ngemva kokuphendula imibuzo YESIGABA NGASINYE.
6. Tlola iinomboro zemibuzo njengombana zinjalo ephepheni lemibuzo.
7. Isikhathi esiphakanyisweko sokuphendula isigaba ngasinye:
ISIGABA A: Imizuzu ema-50
ISIGABA B: Imizuzu ema-30
ISIGABA C: Imizuzu ema-40
8. Tjhiya umuda OWODWA ngemva kwaleyo naleyo pendulo.
9. Peleda amagama ngendlela efaneleko bewutlole nemitjho ezwakalako.
10. Tlola kuhle ngesandla esibonakalako.

ISIGABA A: UKUFUNDA NOKUZWISISA**UMBUZO 1**

Phendula imibuzo engaphasi kwetheksthi eku-1.1 nengaphasi kwesithombe esiku-1.2.

1.1 Fundisisa itheksthi engenzasi bese uphendula imibuzo elandelako.

ITHEKSTHI A**OKUFANELE UKWAZI MAYELANA NOKUFUNA UMSEBENZI**

- 1 ISevula Afrika iqalene nesitjhijilo sokuthlogeka komsebenzi. Ubujamobu nanyana bukhona kodwana asesekhona amakhampuni nemiNyango kaRhulumende esaqatjhako. Kuqatjiswa umuntu oneziqo ezifaneleko nokwaziko ukuzimaketha. Sekwaba yinto yalokha abantu basadla imbicana norhoboyi ukujama eyegeni yekhamphani nofana ukungena umuzi nomzana edorobheni uthi ufuna umsebenzi. Kufanele uthumele incwadi yokuzihlathulula (CV) ekhamphanini nofana ehlanganweni efunela abantu imisebenzi kube ngiyo ekukhulumelako. 5
- 2 I-CV yakho kufanele iveze imininingwanakho, ifundo namakghono aphathelene nomsebenzi owufunako. Ipilo ifuna uyiqale ngelihlo elibukhali ufunde, nanyana kungaba sifundo seenyanga ezintathu esimayelana nomsebenzi ofuna ukuwenza. Khuthalela bona ube nelayisensi yokutjhayela. Yiba nezinto ozenzako emphakathini njengokuzibandakanya eenhlanganweni ezitjheja iindingo zawo. Iimfundo onazo, ilayisensi yokutjhayela nobufakazi bokuzibandakanya eentweni zomphakathi kukwakhela igama elihle kubaqatjhi. Kazi kubamba ezumako, umsebenzi owufunako uzowuthola ukomunye umsebenzi. Lokhu kufakazelwa yingoma yombhini osele asitjhiya ephasini uMandoza othi '*Uzoyithola kanjani uhle!*' ekhonen' etjho ukuthi nawumumuntu ufanele ungahlali ngezandla. Abaqatjhi sebefuna bona ube nelwazi lomsebenzi owufunako. Zakhele wena ngokwakho ilwazi lomsebenzi. Nawufuna umsebenzi wokutjhayela amalori, bamba amatorhwana wokutjhayela iinlori ezithuthela abantu ihlabathi emphakathini wangekhenu. Nawufuna ukuyokutjhayela iinthuthi zomphakathi ungathoma ngokutjhayela iteksi. Nawufuna ukuba msizi emizini, zinikele ekulisa utjheje abentwana. Komunye nomunye umsebenzi okhe wawenza bawa bona bakuphe incwadi ebufakazi bokobana ukhe wasebenza. 20
- 3 Itheknoloji iyabusa esikhathini esiphila kiswesi. Khupha amehlo enyameni ungabi ngesabuya nentambo ekuthezeni sathi iinkuni azikho, zithuthukise ngokufunda ikhomphyutha. Amalanga la kuneendawana lapha wenza khona isifundo sekhomphyutha inyanga eyodwa. Ifunde ikhomphyutha ngombana imisebenzi eminengi itholakala ku-inthanethi kanti amanye amakhampuni azokuthintana nawe ngokusebenzisa i-inthanethi. Nasele ulungele ukufaka isibawo somsebenzi ufanele ulungise amakhophi wamaphephakho asekelo i-CV. Kufanele amakhophi wamaphephako uwabethise isitembu esiteyitjhini samapholisa. Kufanele angadlulelwa ziinyanga ezintathu mhlanga uya ku-inthavyu. Nabakubizileko ku-inthavyu ungafiki sele kuyokubizwa wena bona ungene, fika imizuzu ema-30 ngaphambi kwesikhathi ukuze wehlise ivalo. Kazi ingwe idla ngamabala, kuqakatheke khulu bona nawuya ku-inthavyu uqaleke. 35

4	Kunezinto ezimbadlwana ofanele uzenze nalezo ongakafaneli bona uzenze eziphathelene ne-inthavyu. Nawuqeda ukungena lapha niyokubambela khona i-inthavyu, kufanele ulotjhise begodu ungahlali esitulweni bangakakulayeli sona. Ungabi nento oyihlafunyako. Nawuphendula umbuzo ungatjhalazeli uqale phasi njengomntazana osonywako, mqale ngemehlweni loyo okubuze umbuzo. Amanye ama-inthavyu enzelwa esitolo sokudla. Bazokubuzisa bona ungathanda ukusela siphisi isiselo ngaphambi kobana nithome. Ungathi esinye nesinye, khetha itiyi, isiselo esimakhaza, ikofi nofana amanzi. Ukuphendula ngokuthi esinye nesinye kubavezela bona nasele usebenza awuzukukghona ukuthatha iinqunto ezifaneleko. Abanye abaqatjhi bazoku-odela ukudla baqale bona wenzani nakufika ukudla. Kufika nje ukudla wena sewuthela itswayi abawukezwa bona ukudlokho kuduma nofana kubaba itswayi. Umqatjhi sele akubona usisebenzi esizokulobisa ikhamphani ngombana uzoku-oda nento ekhona ekhamphanini ngebanga lokungahlali qangi bona ikhona.	40 45 50
5	Kuyenzeka bona i-inthavyu yenziwe usekhaya ngomaliledinini. Ibhetri lakamaliledininakho kufanele lihlale ligcwele begodu ube sendaweni enganatjhada. Nawenze isibawo somsebenzini wokutjhayela kuyenzeka bakubawe bona ubaphekelele eendawaneni ezimbadlwana ukwenzela ukuhlola ikghono lakho lokutjhayela. Nawuqeda ukungena ngaphakathi kwesithuthi kufanele ubophe ibhande bese ubawe nomqatjhi bona naye azibophe ngelakhe. Nakungenzeka bona kube nomuntu okuphazamisako endleleni ungathukani, uphaye nesandla nanoma angakukhombisa umuno ophakathi okuyihlamba yabatjhayeli abakwatileko esikhathini sanje. Nawufumana umrhatjho uvulelwe phezulu esithuthineso, wehlise lokho kukhombisa bona uzokuba netjhejo ebantwini obathuthako. Nakungenzeka bona uye ku-inthavyu wangaphumelela; ungapheli amandla, ragela phambili ufake ezinye iimbawo. UHenry Ford omnikazi wekhamphani yeenkoloyi zakwa-Ford uthi 'Ukuhluleka kutjho bona lithuba lokobana uthome kabutjha kodwana ngendlela ehlaniphe ngcono kunaphambilini'. Linga godu bewuwufumane umsebenzi owuthandako, kazi ayikho ikwali eyarhubhela enye.	55 60 65 70

[Ithethwe ku-inthanethi yatjhugululelwa esiNdebeleni]

- 1.1.1 Tlola isitjhijilo inarha yeSewula Afrika eqalene naso ukuya ngetheksthi engehla. (1)
- 1.1.2 Tlola umehluko phakathi kwendlela yesikhathi sakade nesanje yokufuna umsebenzi eSewula Afrika. Ipendulwakho ayibe liphuzu ELILODWA (2)
- 1.1.3 Ngokurhunyezweko tlola lokho okungakafaneli bona ukwenze nasele ungenile ku-inthavyu. Ipendulwakho ayibe liphuzu ELILODWA. (2)
- 1.1.4 Hlathulula bona kubayini ufanele ufike ngaphambi kwesikhathi ku-inthavyu. (1)
- 1.1.5 Hlathulula izinto eziqakathekileko okufanele uzenze ukuqinisekisa bona i-inthavyu ngomaliledinini iba yipumelelo. Ipendulwakho ayibe maphuzu AMABILI. (2)

- 1.1.6 Tlola imihlobo yamakhophi wamaphepha aqakathekileko angakavezwa etheksthini ekufanele uwafake ne-CV yakho nawenza isibawo somsebenzi. Ipendulwakho ayibe maphuzu AMABILI. (2)
- 1.1.7 Ingabe itjho ukuthini ikulumo ethi 'Sekuyinto yalokha abantu basadla imbicana norhoboyi'? (2)
- 1.1.8 Ucabanga bona ngiyiphi indlela yetheknoloji esetjenziswa baqatjhi ukuthintana nabantu bona beze ku-inthavyu nofana ukubazisa bona baqatjhiwe? Ipendulwakho ayibe maphuzu AMABILI. (2)
- 1.1.9 Ucabanga bona kubayini ufanele umqale ngemehlweni lowo okubuza umbuzo nawuye ku-inthavyu? Ipendulwakho ayibe liphuzu ELILODWA. (2)
- 1.1.10 Ucabanga bona ungaba yini umphumela wokuthukana nokuphaya isandla abantu nabakuphazamisako endleleni khulukhulu ehlangothini lokufumana umsebenzi? Ipendulwakho ayibe liphuzu ELILODWA. (2)
- 1.1.11 Ngokubona kwakho ucabanga bona uyini unobangela wokobana njalo nje amaphepha akhambisana ne-CV kufuneka bona abe nesitembu semapholiseni? Ipendulwakho ayibe liphuzu ELILODWA. (2)
- 1.1.12 Ingabe uyavumelana nesitatimende esivezwe etheksthini sokobana itheknoloji iyabusa esikhathini esiphila kiswesi? Sekela isiqunto osithathako ngephuzu ELILODWA. (2)
- 1.1.13 Nange unguNgqongqotjhe wezemiSebenzi ngikuphi ongakwenza ukuqinisekisa bona amaSewula Afrika nasele alungele ukusebenza aba nelayisensi yokutjhayela? Ipendulwakho ayibe liphuzu ELILODWA. (2)

1.2 Qalisisa isithombe esingenzasi bese uphendula imibuzo elandelako.

ITHEKSTHI B



[Sithethwe ku-www.images.com]

- 1.2.1 Hlathulula indawo ebonakala esithombeni esingehlesi. (1)
- 1.2.2 Ngokurhunyezweko tlola lokho okwenzeka esithombeni esingehla. Ipendulwakho ayibe liphuzu ELILODWA. (1)
- 1.2.3 Ucabanga bona bayaphi abantu abavezwe esithombeni? Ipendulwakho ayibe liphuzu ELILODWA. (1)
- 1.2.4 Khetha ipendulo enembako kezilandelako. Okwenzeka esithombeni esingehlesi, kwenzeka ... (1)
- A emaplasini.
B emakhaya.
C emahlathini.
D edorobheni.
- 1.2.5 Tshwaya ngelihlo elibukhali isitjhijilo ongahlangabezana naso nawusebenzisa iinthuthi ezivezwe esithombeni esingehla. Ipendulwakho ayibe liphuzu ELILODWA. (2)

IMITLOMELO YESIGABA A: 30

ISIGABA B: UKURHUNYEZA**UMBUZO 2**

Fundisisa itheksthi elandelako bese uyayirhunyeza ngokwemiyalo onikelwe yona.

IMIYALO:

1. Ngamagama angadluli kwama-60, rhunyeza uveze amaphuzu ali-7 **aziindlela zokuvikela ibhoduluko**.
1. Nombora imitjhwakho kusukela kewoku-1 bekufike kewe-7.
2. Umutjho ngamunye owutlolako awube nomqondo owodwa ophелеleko.
3. Tlola ngelimi elitsengileko ngombana uzokwabelwa imitlomelo emi-3.
4. Sebenzisa amagamakho, ungabuyeleli utlole njengombana kutloliwe etheksthini ngombana uzokulahlekelwa mitlomelo.
5. Tlola inani lamagama owasebenzisileko ekupheleni kwesirhunyezo sakho.

ITHEKSTHI C**IINDLELA ZOKUVIKELA IBHODULUKO**

Iphasi esihlala kilo liqalene nomraro wokusilaphazeka kwebhoduluko. Lokhu kubangelwa kungatjhejwa kwalo babantu, ukukhiqizwa kweembaseli, intuthu ekhutjha ziinthuthi nokhunye. Woke umuntu kufanele athathe igadango ekuvikeleni ibhoduluko. UmNyango wezeBhoduluko ukhuthaza mihle bona ibhoduluko alibe lihlaza. Abantu kufanele balise ukukapa imithi ukuze bavikele ukurhurhuleka kwehlabathi. Siyidinga khulu imithi ngombana isipha umoya esiwuphefumulako i-oksijini. Abantu kufanale batjhugulule indlela abenza ngayo izinto. Akulahlewe iinzibi eendaweni ekhethelwe lokho. Iinzibi nazilahlewa koke nje zithi zingabola zibe nomoya eziwukhuphako osilaphaza umoya ofanele uphefumulwe babantu. Kunezinto esingeze sakghona ukuphila ngaphandle kwazo kodwana ezilisiphaza khulu ibhoduluko njengamaphepha, iimplastiki namabhodlelo. Urhulumende weza neqhinga le-*Recycling*. Buthelela amabhodlelo angasasebenziko, amatayere, amaphepha neemplastiki uzihlukanise bese uzithumele lapha kubuyezwa khona. Umuntu akwenzeki bona aqede iveke angakapheki imirorho. Yemba umgodi lapha uzokuthela khona amakelo wemirorho njengewamazambana, iinkhabitjhi njalonjalo ukubalekela ukusilaphaza ibhoduluko. Nasele kuvundile uzokwazi ukukuthela engadinakho kube mumanyoro wayo. Kuneendawana ezihle zokuditjha enarheni yeSewula Afrika. Kunamaphaga, iinqiwi zeembandana, amalwandle aneendawo zokududa eziletha ubuhle bebhoduluko. Ukuvikela ibhodulukweli, lahla izinto ongasazifuniko emgqonyini weenzibi. Iinkoloyi nazo zisilaphaza ibhoduluko ngokukhupha umoya osilaphazekileko obizwa nge-*carbon monoxide*. Nanisebenza endaweni eyodwa, yenzani isiqhenyana nikhambe ngekoloyi yinye nibalekele bona zibe zinengi ezisilaphaza umoya. Iinsetjenziswa ezinengi zetheknoloji zinamabhetri. Ukuze ibhoduluko livikeleke kufanele ningalahli amabhetri ehlabathini. Anekhemikhali eyingozi ebulala iintjalo. Ngitjho nebhetri lakamaliledinini imbala liyingozi. Ungalahli ikhemikhali nofana i-oli esele isebenzile eduze nomlambo ngombana iyokungena emlanjeni lowo igcine ibulele isitjhaba. Iphasi elinebhoduluko eliphilileko libeletha isitjhaba esiphilileko.

[Ithethwe ku-inthanethi yatjhugululelwa esiNdebeleni]

ISIGABA C: IZAKHI NEMITHETJHWANA YOKUSETJENZISWA KWELIMI**UMBUZO 3: ISIKHANGISO**

Fundisisa isikhangiso esingenzasi bese uphendula imibuzo elandelako.

ITHEKSTHI D

HLALA UPHILILE NGE-CELL FOOD



I-Cell Food ikunikela ipilo

Ngiyo yodwa tere ekhambisa buthaka amalanga wakho wokuphila.

Ungasariyada dosela kilenomboro 080 002 3224 nofana vakatjhela ku-*face book*.

IMIBANDELA

- Itholakala kwaphela nawuphethe incwadi kadorhodera.
- Ithengiselwa abatjhadileko kwaphela.
- Ngemva kokuyisebenzisa amalanga ali-7 vakatjhela udorhodera.

[Sithethwe kumagazinin yakwa-Dis-Chem pharmacies]

- 3.1 Tlola umbandela **MUNYE** osetjenziswe esikhangisweni esingehla. (1)
- 3.2 Buyelela utlole umutjho ongenzasi bese kuthi egameni elithalelweko utlole isirhunyezo salo.
Ngemva kokuyisebenzisa amalanga ali-7 vakatjhela udorhodera. (1)
- 3.3 Tlola iinkhekhe zekulumo ezakhe igama elithalelweko emutjhwani ongenzasi.
I-Cell-food ikhambisa amalangakho buthaka. (2)
- 3.4 Khetha ipendulo enembako kezilandelako.
Ikulumo ethi 'ikhambisa amalangakho buthaka' ihlathulula bona:
- A Iminyakakho ayithuthuki.
B Amalanga akhamba kancani.
C Awuluphali msinyana.
D Amalanga ayajama angasatjhingana. (2)

- 3.5 LIQINISO nofana AKUSILO IQINISO bona umkhangiso lo uyawafeza amaqhinga wokukhangisa? Sekela ipendulwakho ngamaphuzu **AMABILI** uwaqalise esikhangisweni esingehla. (2)
- 3.6 Ingabe isikhangiso esingehlesi sinebandlululo nofana sinobuhlangothi. Sekela isiqunto osithathako ngephuzu ELILODWA. (2)
- [10]**

UMBUZO 4: IKHATHUNI

Qalisisa ikhathuni engenzasi bese uphendula imibuzo elandelako.

ITHEKSTHI E



[Sithethwe ku-www.images.com]

- 4.1 Tlola bona igama elithalelweko emutjhwani ongenzasi libolekwe kiliphi ilimi. Nawuzuma okuthileko ku-inthanethi usesemsebenzinapha weba isikhathi somsebenzi. (1)
- 4.2 Buyelela utlola emutjho ongenzasi bese utlola isinciphiso segama elithalelweko. Ngibawa ningiboleke iindlebe zenu. (1)
- 4.3 Buyelela emutjho ongenzasi kodwana uveze ukuvuma. Akusimnandi ukudlala amakarada abantu bangakubukeli. (2)

4.4 Buyelela utlole umutjho ongenzasi kodwana ujamiselele amagama athalelweko ngehlathululo yakhona.

Abangiboni, umuntu akhe akhokhe umoya.

(2)

4.5 Khetha ipendulo enembako kezingenzasi.

Igama elithi 'umphathi' elisekhathunini:

A libizonto elisuselwe esenzweni 'phatha'.

B libizomuntu elisuselwe esenzweni 'phatha'.

C libizombala elisuselwe ebizweni 'iphathi'.

D libizomvango elisuselwe esandisweni sendawo 'ephathini'.

(2)

4.6 Thatha isaga esithi 'kukwamgade uhlonywa ngezinti' esisetjenziswe ekhathunini engehla le uzakhele wakho umutjho kuvele bona uyayazi ihlathululo yaso.

(2)

[10]

UMBUZO 5

5.1 Fundisisa itheksthi engenzasi bese uphendula imibuzo elandelako.

ITHEKSTHI F

Inarha yeSewula Afrika iyazitjheja izakhamuzi zayo. UmNyango wezemisebenzi wabeka umthetho wokobana abantu abasebenzako barejistarwe, umqatjhi ababhadelele imali ezobabonelela nabangasasebenziko. Isikhwama semali ebasebenzilelo sibizwa nge-Unemployment Insurance Fund. UBahlekile ulilanga liphuma umtakaMbonani umhlophe twa. Usebenza kwaClinton ePitori utlhogomela iinyoni, imiqasa, izinja nezimvu zomqatjhakhe. Sekwathi nakusehlobo uClinton wabuyela ekhabo ngaphetjheya. Ngetjhu ubeyilandela imithetho yenarha. UBahlekile wayokubika ema-ofisini bona uphelelwe msebenzi bathola bona begade amrejistarile uClinton. Ngemva kweemveke ezintathu wabe sele aveza lemhlathini ifikile imalakhe yokungasasebenzi. Wezwakala sele athi 'Utjho amakhuwa ayakwazi ukutjheja iinsebenzi zawo.

5.1.1 Buyelela utlole umutjho ongenzasi kodwana upelede ngendlela efaneleko lapha kungakatloleki kuhle.

UBahlekile ubike ema-ofisini womNyango wezemisebenzi bona uphelelwe msebenzi bathola bona begade amrejistarile uClinton.

(1)

5.1.2 Buyelela utlole umutjho ongenzasi bese kuthi esakhini esithalelweko utlole isivumelwano esifaneleko.


UmNyango wezemisebenzi wabeka umthetho wokobana umuntu barejistarwe mqatjhakhe.

(1)

- 5.1.3 Buyelela umutjho ongenzasi bese utlola igama linye esikhundleni salawo athalelweko.
Usebenza kwaClinton ePitori utlhogomela iinyoni, imiqasa, izinja nezimvu. zomqatjhakhe. (1)
- 5.1.4 Buyelela utlole umutjho ongenzasi bese esikhundleni samagama athalelweko ujamiselele nganomqondo ophikisana nawo.
UBahlekile yintombi yakwaMbonani emhlophe twa. (2)
- 5.1.5 Buyelela utlole umutjho olandelako bese kuthi esikhundleni samagama athalelweko utlole isirhunyezo sawo.
Isikhwama semali ebonelelako ibizwa nge-Unemployment Insurance Fund. (1)
- 5.1.6 Buyelela umutjho ongenzasi kodwana ube sifaniso.
UBahlekile ulilanga liphuma. (2)
- 5.1.7 Amagama athalelweko emutjhwani olandelako ahlathulula bona:
Ngemva kweemveke ezintathu wabe sele aveza lemhlathini ifikile imalakhe ...
A alila aveza izinyo.
B athabe khulu.
C akhamisile aveza izinyo.
D abalabala aveza izinyo. (2)
- 5.1.8 Buyelela utlole umutjho ongenzasi ube sepambosini yokwenzisisa.
Ngetjhu ubeyilandela imithetho yenarha. (2)
- 5.1.9 Ingabe umutjho ongenzasi lo unebandlululo nofana unobuhlangothi. Sekela ipendulwakho ngephuzu ELILODWA.
Amakhuwa ayakwazi ukutjheja iinsebenzi zawo. (2)

5.2 Qalisisa isithombe esingenzasi bese uphendula imibuzo elandelako.

ITHEKSTHI G



[Sithethwe ku-www.images.com]

5.2.1 Buyelela utlole umutjho ongenzasi bese ukhulisa igama elithalelweko.

Kubudisi ukukhwela intaba engaka. (1)

5.2.2 Buyelela umutjho ongenzasi bese kuthi esikhundleni segama elithalelweko utlole elinomqondo ofana nalo.

Umsana lo ukghurumeja ilitje. (1)

5.2.3 Buyelela umutjho ongenzasi kodwana uthome ngegama elithalelweko.

Iintjhijilo umuntu ahlangebezana nazo ziyamakha. (2)

5.2.4 Tlola bona umutjho ongenzasi ukuyiphi indlela yesenzo.

Umsana uwa avuka nelitje nakakhwela intaba. (2)

[20]

IMITLOMELO YESIGABA C: 40
INANI LOKE: 80